



UNIVERSITÄTS-  
BIBLIOTHEK  
PADERBORN

## **Theologia Polemica**

**Burghaber, Adam**

**Fribvrgi Helvetiorvm, 1678**

LVII. De Augmento Gratiæ Justificantis, & hujus Amissione.

---

[urn:nbn:de:hbz:466:1-72462](#)

Ait Amesius, satis absurditatis esse in eo, quod Pontificij doceant, perpetuū dubitandum esse de perseverantia & electione, cum tamen Apostolus ad Ephes. 3. v. 12. dicat: per quem habemus fiduciam vel audaciam & accessum in confidentia per fidem ejus. Sed & hæc obesa est calumnia, quod Pontificij doceant, perpetuū dubitandum de gratia, perseverantia &c. Scire etiam cuperem ex Amesio, cum non haberet infallibilem de suo pâtre, de fide suâ uxoris &c: Sed ad summum duntaxat moralem certitudinem, aut opinionem verò similem, an idcirco perpetuū dubitaverit, & fluctuaverit, anxiusque hæferit ne forsani esset adulteræ filius, aut maritus? sanè Catholici Sapientissimi faciunt, qui juxta monitum S. S. Apostolorum cum metu & tremore operantur salutem, eo quod, licet in divina misericordia & auxilio certissimam spem collocent, attamen cum hæc nostram cōoperationem requirant, merito solliciti sint, ne forte divinas gratias eō, quo oportet modo, non respondeant: ideoque satagent, ut quotidie per bona opera certam faciant vocatiōnem & electionem suam. Licit igitur hæc Catholicorum sententia non omnem omnino formidinem tollat, aufert tamen anxietatem, imò & dubitationem illam propriè sumptam, quā neutri parti assensus datur. Ad illud ex epist. ad Ephes. 3. dicimus, certitudinem gignere audaciam, sed eam certitudinem non esse de justitia nostra, sed de veritate nysteriorum fidei. Habemus igitur confidentiam, audaciam, accessum ad Deum per fidem Christi, quia hâc (sive divina à parte rei ista in nobis sit, sive humana) animari confidente accedimus ad thronum gratiæ Dei, sicuti filius habens persuasum hunc esse suum patrem (etsi nec pater nec filius habent certitudinem infallibilem de suâ illa necessitudine) fiducialiter ad illum accedit & beneficia sibi ab eo pollicetur. Quod addat Calvinista fol. 149. Apostolum dicere, hanc certitudinem esse per fidem Christi: hanc autem fidem imputari ad justitiam, ab eodem Apostolo ubique doceri, est hæc quoque hæretica impostura quindecim Christianis saeculis ignota, ut ex dictis patet.

## CONTROVERS. LVI.

### DE AUGMENTO GRATIAE Justificantis, & hujus Amis- sione.

**Q**uemadmodum stella differt à stella. 1. ad Corinth. 15. v. 41. ita Sancti gratiæ inter se diversi sunt, & hæc alius alio magis splendet. Item sicuti stellæ de celo cadunt, vel cadere videntur Apoc. 8. v. 10. & Matth. 24. v. 29. ita justi in gratia non sunt stabiles, sed excidere eâ possunt, utrumque autem horum cum hæreticis est controversum, pro cuius litis decisione.

#### PARS PRIOR

#### DOCTRINÆ CATHOLI-

CORUM.

I. **D**octrina prima. Gratia justificantis augetur

in justificantis per bona eorum opera. Hanc veritatem definit Tridentinum Concilium Sess. 6. c. 7. dum ait: Infundi justitiam iuxta cujusque dispositionem & cōoperationem, & gratiam augeri per bona opera, de quo c. 10. & Can. 24. & 32. Probatur 1. ex Sacra Scriptura. Ecclesiast. 18. v. 22. Non impediār orare semper, & ne verearis usq; ad mortem justificari. Rom. 2. v. 12. saltores legis justificabuntur. Apocal. 22. v. 11. Qui justus est, justificetur adhuc, & sanctus sanctificetur adhuc. 2. Petr. 3. v. 18. Crescite in gratia. Ephel. 4. v. 15. veritatem facientes in charitate crescamus in illa per omnia, qui est Caput Christi. Colos. 1. v. 10. Ambuletis dignè Deo per omnia placentes in omni bono opere fructificantes & credentes in scientia Dei. Sac. Scripturæ consentiunt P. è quibus D. August. Tom. 10. de verbis Apostol. Serm. 16. c. 5. Justificati, inquit, sumus, sed ipsa justitia, cum proficiamus, crescit. Ut autem Justi ita crescere semper in gratia possunt; quādū sunt in via, habent auxilia sufficientia, ut novos & novos actus efficiant, sicut definitur in Clement. ad nostram de hæret. cui consentiunt passim Parres. Et ratio facilis est, quia cum gratia intendatur etiam per actus remissos, ut suo loco patebit, nec possumus dicere, Deum homini rationis capaci denegare auxilia ad bene operandum, non est, cur dicamus, eum non posse semper in gratia crescere, & magis magisque justificari.

II. Hinc tamen nunquam futurum est, ut homo proprijs actibus in gratia factis eō exerceat, ut fontem extinguere possit. Sumitur hoc ex verbis Pauli ad Rom. 6. v. 23. Video aliam legem in membris meis repugnantem legi mentis mea, & captivantem me in lege peccati. Ubi cum Apostolus ad summam gratiam elevatus dicat, se adhuc sentire rebellionē appetitus, manifeste insinuat, candem in cæteris manere. Idem dogma traditur à SS. Patribus, è quibus D. Hieronym. ex illo ad Gal. 15. v. 17. Caro concupiscit adversus spiritum sic infert: Ecce Apostolus omnēsque credentes, quod volunt implere, non possunt. Ratio esse potest, quia Deus favorē fuit ritualem, quem exhibuit Beatissimæ virginis Mariæ, noluit præstare cæteris hominibus; certè hoc absque urgentissimo fundamento, cum miracula non facile gravissima causa sine adstruenda.

III. Doctrina secunda. Gratia sanctificantis in justificantis physice augetur: & non dicitur homo solum magis justificantis propter opera moraliter permanentia. Ita Catholicæ Doctores. Nam Trident. Concilium loco cit. ajens, per bona opera nostra meriti augmentum gratiae, supponit illud augmentum esse distinctum ab ipsis operibus, cum opera se ipsa non mereantur. Deinde augmentum, quod fit virtute Sacramentorum, ut est formaliter ex opere operato, non potest desummi ex opere moraliter permanente, cum tale nullum adsit. Demum gratia cum sit qualitas physica, capax est augmenti & intentionis perinde ut cæteræ qualitates. Ergo cum per tale augmentum omnia optime componantur, debet procul dubio illud admitti. Utrum autem gratia per quodlibet opus bonum quantumvis remissum augeatur, commodius infra de merito dicemus.

IV. Doctrina tertia. Prædictum gratiae augmentum statim conferunt, dum fit actus. Ita Catholicæ Doctores conformiter Tridentino Sess. 6. varijs in locis. Ubi de augmento gratiae & gloria semper loquitur cum distinctione; etenim gloriam docet, non dari nisi suo tempore, in fine vitæ &c. de gra-

de gratia verò nihil limitat; unde manifestè indicare videtur, hanc statim concedi; exceptio enim, quæ in uno extremo ponitur, & non in altero, aperè firmat regulam in contrarium. Adhæc gratia non causatur physicè ab actibus, nec eos requirit tanquam dispositionem ad sui productiōnem; unde per Sacra menta ex opere operato cum remississimā attritione aut alia dispositione v. g. in Eucharistie sumptione producitur, & quidem statim. Cur ergo remissior actus, si eam gratiam mereatur, non statim eandem accipiat? certè nulla potest hujus rei sufficiens causa assignari. Etiam si autem Deus semper det auxilia ad bene operandum: & augmentum gratiæ pro remisso etiam accit, ut dicimus, statim concedat, nunquam tamen fiet, ut homo justificatus ad quamcumque intensiōnem crescat; quia Deus non dat auxilia summa intensa, nec ad quaslibet possibilem intensiōnem actus, ut docent Scholastici.

V. *Doctrina quarta.* Grata semel habita potest iterum amitti per peccatum mortale. Hanc Catholicam veritatem definit Trident. Sess. 6. c. 11. & constat in Adamo & dæmonibus, quos fuisse in gratia, adeo certum est, ut nec ipsi hæretici negare auffint. Eadem persuadent omnia verba, quibus in Sac. Scriptura justi monentur, ut attendant, ne cadant: & ut cum timore & tremore operentur ad Rom. II. v. 20. Ad Philipp. 2. v. 21. Apoc. 3. v. ult. clarissimè verò Ezech. 18. v. 24. Si averterit se iustus à iustitia sua, & fecerit iniquitatem secundum omnes abominationes, quas operari solet impius, nunquid vivet? omnes justitiae ejus, quas fecerat, non recordabuntur &c. Ratio esse potest; quod etiam justi teneantur præceptis divinis, & habeant libertatem ad transgrediendum illa, licet sint gravia. Ergo possunt peccare mortaliter. Ergo gratiam amittere.

VI. Porro cum gratia perditur etiam amicitia DEI & habitus charitatis, ut definitur in Trident. Sess. 6. c. 15. imò omnes aliae virtutes morales infusæ. Nam si habitus oriuntur ex gratia, & ab ea naturaliter dependent. Ergo non conservantur absque illa. Non obstat, quod fides & spes maneat in peccatore, scilicet propter actus, qui fieri etiam à peccatore possunt; & enim manent non præcise quia possunt fieri tales actus fidei & spei, sed simul quia Deus volvit eum favorem homini præstare, ut per illos connaturaliter ad iustitiam disponere se possit; de quo favore constat nobis ex Conciliis & communī Patrum ac Theologorum consensu; ad dicendum autem velle Deum alios quoque habitus similiter servare, non habemus ullum fundamentum. Cæterum hos etiam duos habitus Theologicos semel acquisitos iterum amitti posse, & quidem in perpetuum, indubitate est doctrina Catholicorum definita in Concilio Trident. Sess. 6. can. 15. ubi ait, *per infidelitatem amitti fidem;* quod idem proportionaliter de spe dicendum, cum eadem sit ratio, imò absque actu desperationis per solam infidelitatem Spes amittitur, quia enim fides est fundamentum absque hac fide subsister illa spes nequit.

VII. *Doctrina quinta.* Ad gratiæ justificantis conservationem requiritur ex parte hominis, ut non peccet mortaliter: ex parte verò Dei, ut det auxilium homini, ut non peccet. Ita Catholicæ Doctores. Ratio prioris est; quia si peccet homo mortaliter, eo ipso gratiam expellit; si non peccet, non est, cur expellatur, cum non habeat contrarium, nec detur de facto status medius inter

gratiæ & peccatum.. Quandocunque ergo necessarium est, bonum opus positivum, est quoque necessarium tale opus ad gratiam conservandam. Ratio posterioris est; quia si homo non peccet, semper conservat gratiam. Ergo ex parte DEI nihil aliud requiritur, quam ut homini dei auxilia ad non peccatum. Quale autem gratiæ auxilium ad diu non peccandum graviter, & ad perseverandum usque ad mortem requiratur, ad Scholasticos spectat. Videantur Suarez Lib. 10. de conservat. gratiæ cap. 2. Arriaga Tom. 4. Disp. 52, à num. 21. & alij.

### P A R S P O S T E R I O R,

#### E R R O R E S H A E R E T I C O R U M.

VIII. *Eror primus.* Peccator semel justificatus non potest evadere justior ex justitiæ augmento. Ita teste Tanner Tom. 2. d. 6. q. 6. n. 184. Sectarij hujus temporis, qui cum iustitiam nostram formalem in justitia Christi imputata constituant, in omnibus justis æqualem iustitiam esse opinantur. Unde impium illud & scurrile dictum Lutheri in Serm. de Nativit. Beatiss. Virginis: *Omnes Christiani æquè magni sumus, atque Mater DEI, & æquè sancti ac ipsa.* Sequitur Magistrum suum Lutherum in impietate & scurrilitate discipulus Meno Hanneken in Irenicō suo fol. 382. ubi postquam retulit ipsissima verba Lutheri, subiungit ista sua: *bac est divina veritas;* cum nostra Sanctitatis perinde ac Sancte Virginis Maria & aliorum Sanctorum sit sanctitas Christi: similem errorem olim docuit Iovinianus, ut testatur S. Hieronymus Lib. 2. contra Iovinianum, sed ex alio fundamento, scilicet quod virtutes & peccata sunt paria

IX. Contra Jovinianum sunt plura testimonia S. Scripturæ, ex quibus constat in aqualitas tum virtutum, tum præmiorum in celo Jobi 1. v. 8. nunquid considerasti seruum meum Job, quod non sit ei similis in terra? 1. Reg. 9. v. 2. non erat vir de filiis Israël melior illo. Math. 11. v. 11. non surrexit maior inter natos mulierum Joanne Baptista. Joan. 14. v. 2. in domo Patris mei mansiones multæ sunt. 1. ad Corinth. 15. v. 44. alia clavitas solis, alia clavitas luna, alia clavitas stellæ, differt stella à stella in claritate &c. Lutheranos satis rejecimus, & falsitatem erroris eorum lux solis refellit; nunquid enim ista non magis magisque effulget, aut in ea perpetua aurora aut assiduus meridies est? cur ergo & iustitia nostra non possit similiter incrementum sumere, cum teste S. Script. lux sit. Prov. 4. v. 18. *iustorum semita quasi lux splendens, procedit & crescit usque ad perfectum diem.* Adhæc certum est ex S. Scriptura, in charitate alium alio esse perfectiore; quomodo enim alias Joan. ultimo v. 15. Christus quærere ex Petro potuisset, *diligui me plus hi?* Cum ergo caritas vel non distinguatur à iustitia, vel huic semper conjuncta sit, & Adversarij non negent, disparitatem esse charitatis in regeneratis, non possunt negare disparitatem esse iustitiae. Videri potest Bellarm. Lib. 3. de Justif. c. ult. Ego solum adhuc quærō, quando Scriptura de Job c. 2. v. 3. ait: *Job vir iustus fuit rectus ac timens Deum &c.* utrum ille ceteris fuerit justior

justior, an non? si fuit. Ergo justitia in eo crescendo præcelluit: si non fuit, cur DEUS mox v. 5. subjunxit, quod non sit simili ei, Fundatum, quoniam nituntur, præterquam quod falsissimum sit, non probat id, quod eruer ex illo Adversarij volunt, nunquid enim unus Pauper plus pecunia ex eodem facio manu suâ magis avidâ & validâ apprehendere & extrahere potest, quām alius? sic quoque Christiani in æquali fervore fidei Christi justitiam apprehendere & aliud aliud per actum fidei ferventiores eandem sibi applicare potest. Blasphemum ac scurrile illud dictum Lutheri ejusque discipuli Menonis Hannekenij abunde refutant verba ista Angeli Luc. I. v. 28. ad Beatissimam Virginem: *Ave gratia plena, Dominus tecum, benedicta tu in mulieribus; quæ utique in aliam fæminam etiam Christianam & justam cadere non possunt.* Ergo ipsa ampliore gratiæ augmentatione eminuit inter universos Christianos; quod unanimi consensu docent SS. PP. & DD. nominatim Andreas Cretensis serm. de dormitione Deiparæ ubi ait: *qua habes cum alijs non comparabilem appellationem, qua excepto DEO sole es omnibus altior.* Si autem Beatissima Virgo Maria in gloria cunctis est eminentior. Ergo & in gratia, cum illa huic respondeat. Adhac si omnes Christiani æquè justi sint ac Mater Dei, quia æqualiter omnes apprehendunt totam Christi justitiam, tunc quilibet erit etiam æquè ac Christus justus; & cum gratia justificans sit semen gloriæ, quilibet homo Christianus ac justus erit in gloria Christo æqualis. Quid autem absurdius stultius & Scelestius cogitari potest?

IX. Error secundus est, justitiam semel aquisitam amitti non posse. Ita post Manichæos, Pelagianos & alios hæreticos, Calvinistæ apud Amesum Tom. 4. à fol. 150. quorum Magister Calvinus L. 3. de just. c. 2. scribit: *nunquam disperire semen vita electorum cordibus insitum, & ita solidè Deum in ijs obsignare adoptionis sua gratiam, ut stabili ac rata sit.* Probant ex varijs S. Script. testimonijs maximè ex D. Joan. Epist. I. c. 2. v. 19. ex nobis prodierunt. Sed non erant ex nobis; nam si fuissent ex nobis, permanissent utique nobiscum. c. 3. ejusdem Epist. v. 6. omnis, qui in eo manet, non peccat: & omnis, qui peccat, non videt eum, nec cognovit eum. Ibidem v. 9. qui natus est ex DEO peccatum non facit, quoniam semen illius in eo manet, & non potest peccare, quoniam ex DEO natus est. Rursus ex eodem c. 4. Evang. v. 14. qui biberit ex hac aquâ non sitiet in eternum, sed fieri in eô fons aquæ salienti in vitam æternam. Demum ex illo ad Rom. 8. v. 35. & 38. quis nos separabit à charitate &c. Addit Amesius fol. 159. sine summa vel ignorantia vel impudentia non posse affirmari, quemlibet actum infidelitatis excutere habitum fidei, efficere hominem infidelem, & inimicum DEI secundum Scripturam, quod probat exemplis Saræ Genes. 18. Moysis & Aaron Num. 20. Zachariæ Lucæ 1. & Thomæ Apostoli Joan. 20. &c.

X. Hunc errorem abunde rejecimus parte priore: & hæretici egregie refellunt suomet exemplo. Nam oportet esse hæres. I. ad. Corinth. II. v. 19. Ergo gratia fidei amitti potest; si enim gratia Sanctificans amitti non posset, nulli unquam Nicolaitæ, Marcionitæ, Priscillianistæ, Novatiani, Ariani, Pelagiani, Nestoriani, Eutychiani, Lutherani, Calvinistæ aut alii hujus fortis homines extitissent, sed in gratiâ & fi-

de, quam in S. Baptismo accepérunt (& in hædeinde per aliquod utique tempus vixerunt) persistissent, & Romanæ Ecclesiae tanquam obientes filij matri suæ constanter adhaeréssent. Argumenta etiam nihil profrus evincunt. Itaque,

XI. Respond. ad I. Apostolum agere in hoc loco de hæreticis, de quibus juxta expositionem Cornelij à Lapide & aliorum dicit: *non erant ex nobis;* quia aliquamdiu antequam existent, publicè hæresim spargentes jam occultè illam fovent. Per quod minimè denotatur, quod semper eandem hæresim fovent, sicuti cum dicitur, Religiosus ille exivit à nobis, quia non erat ex nobis, non significatur, illum nunquam vero animo Religiosum fuisse, aut bene se gessisse, sed aliquamdiu ante egrarium sic vixisse, ut patres Religiosi minimè faceret.

XII. Ad 2. 3. & 4. ex eodem Apostolo, agere D. Joannem in ijs quasi in sensu complicito, ut homo, quatenus manet in DEO, quatenus filius DEI, & natus ex DEO, quatenus bibit ex hoc aquâ, & utitur, retinetque gratiam Spiritus Sancti, non peccet; & in hoc eodem sensu nec potest peccare mortaliter: utri è contrario is, qui peccat, tunc in actu exercito non recte de DEO sentit, per quod tamen non negatur, ullo modo, eundem antea novisse Deum &c. uti præter alios recte hos textus explicat Tirinus. Eadem argumenta prosteruntur ab innumeris infantibus, qui à Lutheranis aut Calvinisticis prædicantibus baptizati ex eorum deinde grege ad Catholicam fidem se recipiunt. Nunquid infantes illi per lavacrum regenerationis acceptunt aquam illam justitiae salientem in vitam æternam? nunquid nati sunt ex DEO? & tamen (juditiò hæreticorum prædicantium.) peccant gravissime transeundo ad idololatriam Papilicam. Ecce quām infantilia sunt, quæ Catholicæ veritati obijcuntur.

XIII. Ad 5. Neque hoc argumentum ex Epist. ad Rom. 8. quidquam juvare Adversarios. Nam eti Apostolus habuisset pro se infallibilem revelationem de sua perseverentia, an ideo etiam omnes hæretici illam habere putandi sunt? Sed nec Paulus de se ullam fidei certitudinem predicit; nam ut optimè L. de morib. Eccl. c. ii. docet S. Augustinus, ita hic astrinxitur potentia & efficacia divini erga nos affectus, ut tamen mens relinquatur propriæ malitiæ, foscordiæ, & negligentiæ. Unde vocula: *certus sum non designat omnimodam & absolutam certitudinem sed folum ex parte Dei,* divinæque providentia: ex nostra vero parte, non nisi conditionem, si Deo cooperari, nec divelli ab eo velimus. Et hoc vult græcum *πειραμα* quod tum hic, tum alibi ex mente Pauli idem est, quod persuasum habeo spero, confido, ut hic legunt S. S. Ambros, Hieronymus. Syrus. &c. imò & Erasmus, Beza, Tremellius & plures alii heterodoxi, ut testatur Tirinus. Perinde ergo se habuit Apostolus, ac miles generosus, qui ardore civitatis occupandas incensus ante assultum diceret: *certus & resolutus sum, quod nec tela, nec saxa, nec ignes me à mænibus arcebunt, quin eadem confundam.*

XIV. Quod ad ultimum ab Amelio adjectum; patere ex hoc insingnem in eius scitiam, & esse eundem convitijs & mendacijs, quam doctrinæ præstantiorem. Est quippe certissimum apud omnes

Doctores

Doctores formalem & completam infidelitatem (de qua in praesentiarum sermo.) esse gravissimum peccatum mortale; cum Deum mendacem faciat: esseque inter praecipua peccata, qua ex malitia fieri dicuntur. Exempla non sunt ad rem. Sara leviter haesitavit, non obstatore, quod ad formalem completamque infidelitatem requiritur. Moyses & Aaron ex nimia perturbatione non nisi venialiter peccarunt, ut diserte affirmat S. August. q. 19. in libr. Num. Et L. 16. contra Faust. c. 17. atque plerique Doctores cum

eo, quantumvis eorum incredulitatem DEUS morte temporali puniuerit. Zacharias non nisi leviter dubitavit absq; pertinacia. Thomas Apostolus à mortifera pertinacia difficultate excusat, quam cæteri Apostoli, quibus Marci ult. incredulitatem & duritiam cordis Christus exprobavit. Hoc certum, illos non ex malitia, sed ex perturbatione & humanâ fragilitate fecisse. Videri possunt Cornel. à Lapite, Tirinus, & alij in cit. loc. Hæc de Justificat. Impij.

## OPERA BONA: ET HONORUM MERITA.

**P**ro hisce intelligendis aliquid breviter præmittemus de differentia *Lengu & Evangelij*, item de *Libertate Christiana*, ex quorum prava exppositio ne errores haëreticorum nascuntur. Itaque Evangelium duobus modis sumitur. 1. pro doctrina, quam Christus & Apostoli prædicarunt, & in Nova testamento continetur. 2. pro gratia Novi Testamenti, que & Lex Scripta in corde, & spiritus vivificans, & lex Fidei dici solet, quamquam nomen Evangelij in Scriptura nunquam accipi videatur, nisi priore modo, hoc est, pro doctrina. Unde in Evangelio non minus quam in Veteri Testamento continentur Leges propriæ dictæ Math. 5. Comminationes, ibidem. Et Promissiones cum conditione obedientiae Math. 19. v. 17. si autem tu ad vitam ingredi, serva mandata; Et in quocunque statu obligatio Legum divinarum principaliter intenta fuit, ut medium aquirendæ, retinendæ, ac recuperandæ gratiæ & amicitiæ divinæ; sicut etiam eadem est ratio in quovis statu comminationum & terrorum.

II. Sectarij ex comuni consensu inter Legem & Evangelium hoc discrimen ponunt, quod illa proponat justitiam & salutem cum conditione torius legis implendæ: Istud vero promittat justitiam & salutem sineulla conditione, sed absolute, vel cum sola conditione Fidei. Hinc alterum deducunt discrimen, quod Lex terreat, Evangelium consoletur. Sed gravissimi hallucinantur, ut videre est apud Bellarm. L. 4. de Justificat. c. 2. & satis ex dicendis constabit. Verum autem discrimen inter Legem & Evangelium est duplex. 1. quod Lex doctrinam inchoat: Evangelium autem perfectam complectatur. Unde D. Thomas l. 2. q. 107. & D. August. L. 6. de Civit. DEI c. 26. ajunt, Evangelium in Lege contineri, ut arborem inseminet: Item Vetus Testamentum esse occultationem Novi: & hoc Novum Testamentum esse revelationem Veteris. 2. est, quod Lex per Moysen data sit, Evangelium vero per Christum, qui non tantum Legislatot uti Moyses, sed & Redemptor fuit; unde Lex venit in doctrina sola; Evangelium insuper cum gratia, ut, qui illud accepterunt, non modo per doctrinam inter virtutes & via discernerent, sed etiam per gratiam diligenter justitiam, atque odio haberent iniquita-

tem. Aliæ differentiae sub utroque hoc discriminis involuta possunt apud Bellarm. L. 4. de Justif. c. 4. Ex his aperè constat, usque adeo operum necessitatem ab Evangelio non removeri, ut eam potius ad Evangelium pertinere demonstretur.

III. Libertatem Christianam Adversarii in eo ponunt, ut nulli legi sint subjecti in conscientia ac coram Deo, Christianumque habent non pro Legislatore, sed pro Redemptore. Nos autem eandem ex Evangelio & Apostolicis litteris assertimus, tribus in rebus esse statim. Nempe primè in libertate à peccato & morte, que ex peccato sequitur, Joan. 8. v. 36. Si ergo Filius vos liberaverit, vere liberi eritis. Secundo in libertate à jugo legis ceremonialis, & judicialis Hebreorum. Act. 15. v. 10. Quid tentatis Deum, imponere jugum supra servos, quod neque Patres nostri, neque Nos portare possumus. Tertio in libertate à dominatu legis naturalis seu divinæ, & moralis, quæ fit, ut lex nobis non dominetur tanquam servis imminentis flagello, sed ut imperet liberis non adiungendo legi vim obligandi, sed addendo hominibus charitatem illum libenter implendi juxta illud Apost. Joan. 6 v. 14. Non enim sub lege esis, sed sub gratia. Et 1. ad. Timoth. 1. v. 9. Lex iusto non est posita; quippe sub lege esse dicitur, qui à lege agitur ut servus: in lege vero est, qui secundum legem agit, ut liber. Videatur Bellarm. L. 4. cit. cap. 5. & 6. His pro missis,

## CONTROVERS. LVII.

AN DENTUR OPERA bona meritoria in homino justificato?

**G**ratia Justificans non manet otiosa in homine, sed instar bonæ ac secundæ se mentis fructificat, idque efficit, ut opera hominis justificati fructum afferant in vitam æternam; quam gratiam ejusq; effectum in tollendis penitus peccatis, quia negant haëretici, ipsa etiam opera bona ac meritoria inficiantur; unde iterum inter nos & ipsos surgunt graves fidei controversiae in praesenti decidendæ.